



DEN NORSKE KYRKJA

Ulstein sokneråd - Ulstein kyrkjelege fellesråd

Møteprotokoll for Ulstein sokneråd - Ulstein kyrkjelege fellesråd

Tid: 20.10.2022 kl. 19:00
Stad: Ulstein kyrkjekontor

Frammøtte:

Odd Arne Vikebakk	Leiar
Annelise Kleven Godø	Nesteleiar
Cecilie Frantsen Skeide	Medlem
Karianne Sveen Orvik	Medlem
Karete Malen Nasset	Medlem
Lidbjørn Vattøy	Medlem
Hannelore Måseide	Medlem
Knut Erik Engh	kommunal representant
Mirjam Håland Igland	vara for geistleg representant
Christfried Kaul	sekretær

Forfall:

Bodil Muren Voldsund	Medlem
André Sæter	1. vara

Saker handsama på møtet:

Saksnr	Uoff	Tittel	Sakshandsamar
F-2022/35		Rekneskap 2022 - Tertialrapport 2	133.0
F-2022/36		Møteplan våren 2023	002.3
S-2022/37		Revisjon av Plan for konfirmantarbeid i Ulstein sokn	332.0
S-2022/38		Gudstenesteplan for Ulstein sokn våren 2022	311.0
S-2022/39		Semesterplan Ulstein sokn våren 2023	023.0
S-2022/40		Plassering av innsamla midlar til Ulstein nye kyrkje	411.0

Meldingar:

F024 Infoskriv om KM- vedtak Kirkelig organisering

Vedlegg:

Infoskriv om Kirkemøtevedtak Kirkelig organisering

I samarbeid med nettverket for fellesrådsleiarar, Kirkevergelaget har Møre biskop og Møre bispedømeråd sendt ut eit infoskriv om vedtaket som blei fatta på Kirkemøtet i Trondheim i september.

F025 Rekruttering ny kontor i Ulstein

Det er søknadsfrist 15. oktober for kontorstilling i Ulstein som blei lyst ut i starten av september. Kyrkjeverje vil legge fram søkjarlista i møtet.

Partssamansett utval har avtalt møte mandag 17.10. for å gå gjennom søknadene, setje saman ei intervjugruppe og legge ein plan for innkalling til intervju. Utvalet vil orientere Ulstein kyrkjelege fellesråd i møtet om prosessen vidare.

S026 Orientering om kyrkjelydsarbeidet

Kyrkjelydslivet fornyer seg med nye initiativ. På soknerådsmøte ønskjer vi å orientere kort om høgdepunkt og nye satsingar frå dei siste vekene sidan førre soknerådsmøte.

- Samlingar for Unge vaksne
Møteform treffer eit behov som kom fram gjennom felles møte mellom Ulstein KFUK-KFUM og soknet
- Misjonsmiddag
Fungerte fint for å få engasjert fleire yngre og informert om misjonsprosjektet
- Jubilantfest
Veldig godt tatt imot, viktig tiltak for at dei eldre kan møtast
Det er behov for møteplasser også utanom å møtast kvart femte år.
- Byggekllossen familiemiddag
Tilbodet har starta, supplerande tilbod for ei ny målgruppe, men treng å finne sin form
- Arbeid med flyktingar
Mykje informasjonsarbeid, integrering i kyrkjelydsarbeid, songgruppe har starta opp, uformell møteplass «Ny i Ulstein» skal starte opp
- Siste runde med Nytt liv
Tiltaket har vore kjekt og nyttig, men veldig tidkrevjande
Vi skal ikkje lenger sette og ta opp poteter
det skal utviklast eit endra tiltak "Skapt" som gjennomførast i alle krinsane

Godkjenningar:

Protokoll møte 14.09.2022: godkjent (men oppnemning av nominasjonskomité for kyrkjeval 2023 er utsatt til novembermøtet)

Innkalling: godkjent

Sakliste: godkjent

Ulsteinvik, 08.11.2022

F-SAK 2022/35 Rekneskap 2022 - Tertialrapport 2

UTGREIING

Vedlegg:

Tertialrapport 2 - 2022

Tertialrapporten viser eit positivt avvik frå budsjett på kr. 342.000. Kommentar til dette avviket:

- Ulstein sokn fekk stønad på 154.000 frå bispedøme og frå Den norske kyrkja sentralt for arbeid med flyktningar og ulike type satsingar i kyrkjelyden. Her vil det i haust kome fleire utgifter som balanserer mot dette.
- Godtgjersle for folkevalde blir utbetalt i desember – ca. kr. 100.000
- Faktura for vedlikehald av Ulstein kyrkje (vask, reparasjon takrenner, maling av vestveggen) på kr. 170.000 er ikkje med i tertialrapporten.

Økonomien for 2022 ser så langt positiv ut og Ulstein sokn styrer heller mot eit mindreforbruk enn eit meirforbruk.

Om mogleg skal ein også i årsrekneskapen for 2022 avsetje midlar til dekking av fjorårets mindre underskot/meirforbruk. Soknet hadde eit neirforbruk på kr. 330.000 i 2021.

FRAMLEGG TIL VEDTAK

Ulstein kyrkjelege fellesråd tek tertialrapport 2-2022 til vitande.

HANDSAMING

Dersom det er teknisk mogleg ville det vere fint å få skriftleggjort ein prognose for resten av året saman med at tertialrapporten blir lagt fram.

VEDTAK

Ulstein kyrkjelege fellesråd tek tertialrapport 2-2022 til vitande.

F-SAK 2022/36 Møteplan våren 2023

UTGREIING

I samsvar med semesterplan, gudstenesteplan og organisering av arbeidet treng Ulstein kyrkjelege fellesråd / Ulstein sokneråd vedta ein møteplan for utvalet. Møtefrekvensen er ca. 1 gong i månaden.

Det har vore tradisjon for at det første møtet på nyåret er eit felles møte mellom sokneråd og staben.

Arbeidsutvalet førebur møta til Ulstein kyrkjelege fellesråd og Ulstein sokneråd og vil legge opp til AU- møte ca. 2 veker før eit SR/FR-møte. AU setter opp eit sakskart og førebu sakene slik at dei kan bli sendt ut ei veka før møtet finn stad.

Det skal haldast årsmøte for soknet om våren etter at revisor har levert fråsegn til rekneskapen innan 1. april. I årsplanen er årsmøtet foreslått å bli lagt til søndag, 16. april etter gudsteneste.

FRAMLEGG TIL VEDTAK

Ulstein kyrkjelege fellesråd / Ulstein sokneråd har følgjande møtedatoar våren 2023:

04. januar

01. februar

01. mars

29. mars

10. mai

14. juni

Årsmøte for Ulstein sokn: 16. april

HANDSAMING

VEDTAK

Ulstein kyrkjelege fellesråd / Ulstein sokneråd har følgjande møtedatoar våren 2023:

04. januar (med staben)

01. februar

01. mars

29. mars

10. mai

14. juni

Årsmøte for Ulstein sokn: 16. april

S-SAK 2022/37 Revisjon av Plan for konfirmantarbeid i Ulstein sokn

UTGREIING

Vedlegg:

Revidert Plan for konfirmantarbeid i Ulstein sokn

Dette forslaget til endring av konfirmantopplegget i Ulstein sokn har to hovudmål:

- Reduksjon av den samla tida staben brukar på komfirmantundervisning.
 - Involvere prestane meir i den løpande konfirmantundervisninga gjennom konfirmantåret.
- Forslaget er utarbeidd av kyrkjelydspedagog Ingrid Madli Sæter, kapellan Mirjam Igland Håland, sokneprest Margit Lovise Holte og kateket Bjørn Losvik.

Plan for konfirmantåret 2022/2023 ligg som vedlegg til denne saka, og gjev eit godt overblikk over korleis vi ynskjer å gjennomføre konfirmantåret. Her er nokre viktige punkt oppsummert:

- Tid for oppstart og slutt for konfirmantåret endrast ikkje.
- Konfirmantleir skal fortsatt vere ein viktig del av konfirmantåret, og vil finne stad på same tidspunkt som før.
- Undervisningssamlingane i kyrkja er det som hovudsakleg vert endra, og blir etter følgande mal:
14.30: Felles oppstart i kyrkja. Info og undervisning om dagens tema.
Ca. 15.00: Vi går i tre grupper (faste grupper), bruke kyrkja og Fredheim. Fortsette undervisning knytt til tema og bibeltekst, gjerne med samtale og kreativt arbeid. Ein frå staben har ansvar for å lage eit godt undervisningsopplegg alle kan bruke. Mål: At undervisninga er relasjonell, erfaringsbasert og digital.
15.45: Felles avslutning i kyrkja. Liturgisk samling, linka til Kristuskransen.

FRAMLEGG TIL VEDTAK

Saka blir lagt fram utan forslag til vedtak

HANDSAMING

Det er bra med endringar som forbetrar opplegget for konfirmantane.
Det er mykje som skjer i samband med konfirmantasjon rett etter at skulen si sommarferie er over.
Det er særleg oppfølging med oppgåver for konfirmantfesten som blir det som er for mykje.

Det skal stå i konfirmantplanen at den er vedtatt i SR- møtet 20. oktober.

Soknerådet er samde i at soknerådet sjølv kan administrere og følgje opp det som skal til at foreldre til fjorårets konfirmantkull arrangerer konfirmantfest.

VEDTAK

Ulstein sokneråd godkjenner konfirmantplanen slik den ligg føre.
Ulstein sokneråd tek på seg ansvar med å koordinere og følgje opp konfirmantfesten som fjorårets konfirmantforeldre står for.

S-SAK 2022/38 Gudstenesteplan for Ulstein sokn våren 2022

UTGREIING

Vedlegg:

utkast til gudstenesteplan våren / sommaren 2023 for Ulstein sokn

Ulstein sokn har eit aktivt gudstenesteliv, og som mål å nå ut med gudstenesteliv til så mange som mogleg. Vi er glade for at mange er engasjerte og ønskjer å bidra aktivt i gudstenestelivet. Kyrkjeårstidene gir grunnrytmen i gudstenestelivet. Biskopens forordning av gudstenester styrer tal på gudstenestane som skal feirast i soknet.

Ulstein sokneråd har gått aktivt inn for å berike gudstenestelivet gjennom SPOR, kveldsmøte for unge vaksne, DRYPP og ei fornya satsing på familiegudstenester. Samstundes er det viktig å halde på eit gudstenesteliv der vi regelmessig kan tilby dåp og nattverd og la institusjonane ta del via TV-overføring. Nokre gudstenester har ei tilknytning til arbeid med konfirmantar, trusopplæring, diakoni, misjon samarbeid med barne- og ungdomsorganisasjonane.

Utkast til gudstenesteplanen er utarbeid av prestane i samarbeid med staben for ei heilskapeleg planlegging av kyrkjelyden sitt arbeid for vårsemesteret.

Soknerådet skal handsame og vedta gudstenestelista og soknepresten skal sende den vidare til prosten for godkjenning.

FRAMLEGG TIL VEDTAK

Saka blir lagt fram utan forslag til vedtak.

HANDSAMING

Gudstenesteplanen kan få nokre små endringar og tilpasningar, Nokre av gudstenestene som ikkje er forordna, som morgonmesser, DRYPP, SPOR og samlingar for unge vaksne vil supplere gudstenesteplanen.

VEDTAK

Ulstein sokneråd vedtek gudstenesteplanen for vår / sommar 2023 slik den ligg føre.

S-SAK 2022/39 Semesterplan Ulstein sokn våren 2023

UTGREIING

Vedlegg:

årshjul for Ulstein sokn (oppdatert for våren 2023)

Årshjulet viser aktivitetane i kyrkjelyden gjennom vårsemesteret. På veg mot ein heilskapeleg plan for kyrkjelyden er denne oversikten eit godt utgangspunkt for å vise korleis gudstenesteliv, undervisning, diakoni, misjon, kyrkjemusikk og kultur, og barne- og ungdomsarbeid heng saman i kyrkjelyden vår.

Kyrkjeåret med høgtider og merkedagar gir grunnrytmen for kyrkja sitt arbeid.

Gudstenestelivet:

Sjå eiga sak om gudstenesteplan.

Diakoni og misjon:

- Kyrkjelydsfesten skal samle heile kyrkjelyden igjen og fungere som avslutning for søndagsskulesemesteret.
- Misjonsmiddag frå haustsemesteret ønskjer vi igjen for å fremje misjonsengasjementet også hos barnefamiliene.
- Samarbeid med KFUK-KFUM om familieettermiddagar ønskjer vi å halde fram med.
- Spanande blir om det nye barnehagekonseptet vil etablere seg slik at vi kan halde fram med det også våren 2023.
- I januar skal vi få reise på kyrkjelydsweekenden igjen.
- Engasjement for flyktingar vil vere ei viktig oppgåve for kyrkjelyden også på våren.
- Kyrkje på senteret ønskjer vi å halde fram med.

Trusopplæring:

Oppleringa av at det er eit høgt aktivitetsnivå har ført til at staben har foreslått nokre endringar - særleg med tanke på arbeid med trusopplæring. Vi ønskjer å sjå på året 2023 som eit prøveår der vi justerer trusopplæringsarbeidet noko:

- dåpsskulen er redusert til 4 samlingar
- Skapt og nytt liv er endra slik at Skapt blir eit opplegg i naturen utan å setje poteter, nytt liv med hausting av potetene utgår.
- Noko av tida vi har som blir frigjort ønskjer vi å bruke til å utvikle 2 tiltak frå trusopplæringsplanen vi enda ikkje har fått starta:
Endeleg ungdom er eit tiltak som har overgangen til ungdomsskulealderen som hovudtema.
- Myndighetsfest er også eit tiltak vi ikkje har prøvd ut enda.
- Konfirmantarbeid - sjå eige sak.

Kyrkjemusikk og kultur:

- Kyrkjebakkespelet vil vere det store høgdepunktet til våren (18. mars)
- Fastetid, påske, Kristi himmelfart, 17. mai og pinse har tradisjonelt involvert mange ulike muskarar.
- Korklubben og Tween Sing har sin faste plass i kyrkjelydslivet
- det er ønskje også om å fornye vaksenkorarbeid.
- Viktigast er å få ny kontor på plass.

Barne- og ungdomsarbeid:

Vi legg opp til eit tett samareid med Søndagsskulen, KRIK, speidarane, Ten Sing, TweenSing og Korklubben. Leiartreningsarbeid for ungdom er ei viktig bærebjelke for gjennomføring av konfirmantleirane.

FRAMLEGG TIL VEDTAK

Saka blir lagt frem utan forslag til vedtak.

HANDSAMING

Nokre av dei påbegynte tiltak, som t.d. samling for unge vaksne står ikkje i planen fordi dei ikkje er tidsfesta, men det er intensjonen om å halde fram med det.

På årshjulet skal orienteringa frå saksutgreiinga vere med i oversikta som ein tekstboks under.

VEDTAK

Ulstein sokneråd vedtek semesterplanen slik den ligg føre.

S-SAK 2022/40 Plassering av innsamla midlar til Ulstein nye kyrkje

UTGREIING

Ved å samle inn midlar til bygging av ei ny kyrkje i Ulstein sokn viser gjevarane stor tillit til Ulstein sokn sitt arbeid med eit nytt kyrkjebygg. Å forvalte dei innsamla midlar er eit ansvar gitt til Ulstein sokneråd. Denne forvaltninga inneber eit ansvar i å sørgje for at pengane er tilgjengeleg når den nye kyrkje skal byggast, og plassere desse slik at dei mistar minst mogleg av kjøpekraft i tida fram mot bruk. Med eit tidsperspektiv for bygging av ei ny kyrkje på nokre år fram i tida, og i ei tid med aukande inflasjon er det eit spørsmål om pengane bør investerast slik at dei kan gi noko meir avkastning enn banken kan på dagens plassering på relativt låge bankrenter.

Per oktober 2022 er det samla inn rundt 7 MNOK til bygging av ei ny kyrkje i Ulsteinvik

Økonomiutval har drøfta saken og hatt uformell kontakt med ulike rådgjevarar som har erfaring med investering av pengar. Økonomiutval konkluderer med at dei ikkje vil rå til å investere innsamla midlar i fond, eller i aksjemarknad,

Økonomiutval foreslår til heller å forhandle med banken om ei best mogleg renteavtale for desse midlane.

Dersom Ulstein sokneråd slutter seg til denne tankegangen ber økonomiutval om fullmakt til å forhandle med ulike banker og plassere pengane slik at dei gir god renteavkastning.

FRAMLEGG TIL VEDTAK

Saka blir lagt fram utan forslag til vedtak.

HANDSAMING

Soknerådet slutter seg til vurderingane frå økonomiutval og meiner det er ein trygg og bra måte å forvalte pengane på vved å setje dei på ein konto som gir trygg og god renteavkastning.

VEDTAK

Ulstein sokneråd ønskjer at dei innsamla midlar skal plasserast på ein bankkonto med garantert renteavkastning. Soknerådet gir økonomiutval fullmakt til å forhandle med ulike lokale banker og plassere pengane slik at dei gir god renteavkastning.